


[www.BibleForChildren.org](http://www.BibleForChildren.org)



## Yohana 14



Yesu akawamba, "Mwese kugwidukwa mwe mioyo yenu, mwamzumiiya Muungu, mnizumiie na miye viyaviya. Kaya mwa Tate yangu mna vyekao vingi, ati nee khayekuwa ivyo nee khiwamba kae, isasa naita kuwaikia hakwekaa. Na nikaita kuwaikia hantu ha kwekaa, nendaniuye niwadoe na nywie muwe hada neiho."



Miye Yohana ndugu yenu ambae kwakuungana na Yesu, nawa hamwe na nywie he masuumizi mwe useuta wakwe na uzizimizi, miye neniwa


mwe kisiwa kitangwacho Patimo,  
uko nee kigewa mwe



kifungo kulawana  
na masa ya kubiikia  
Mbui Yedi ya Yesu  
Klistu.




Ahoaho nikawa mwe Muye, nikaona kigoda cha useuta uku uwanga kwa Muungu, naho mntu yumwe nee kekaa uwanga ya kigoda icho.



Nikasikia viumbe vyose uko uwanga kwa Muungu na mwe inusi na asi ya inusi na mwe mazimshindo, naho viumbe vyose veumo mwe inusi vyose vikagombeka, "Kwa yuda ekaae mwe kigoda cha useuta na Mwanangoto, Ntogoo na ntunyo na ukuu na udaho na useuta, Wa misi yose kwesiho kisiikizi."



Nee naona mzi wa Muungu mwenye, Yelusalemu mhya, ukaseeya kulawa uko uwanga kwa Muungu, uikwa vitana inga mvyee ekuhambwavyo vitana kwaajii ya muumewe. Nikategeeza mgutio mkuu kulawa he kigoda cha useuta ukagombeka, "Isasa Muungu ekaa gatigati yao, naho endaekae nawo na kuwatenda wantu wakwe nawo wendawatende Muungu yao."



Naho mndima wa uko uwanga kwa Muungu akanionyesha zigizigi da mazi ya ugima, denye mazi yang'aayo inga viya kioo, walawa kwe kigoda cha kiseuta cha Muungu na cha Mwanangoto.



Naho mzi uwo khaukunda zua wala mweenge wa kueta ung'azi kwaviya Ukuu wa Muungu wawang'azia na taa yakwe ni Mwanangoto.




Akini khahana kintu chochose chengiacho umo chesachokukundigwa ni Muungu, wala mntu yoyose agosoe mbui za kuihiza hambu za uhokho khanaengie. Ni wada du wekuandikwao mwe kitabu cha ugima cha Mwanangoto nee wendaowengie umo ndani.




“Uyo endaawahanguse mesozi yawo yose kwaviya ufe khauko vituhu wala usungu wala maumevu wala ndio, kwaviya mbui za kae zemboka.”



Khahana kintu chekubadiwacho lazi mwe mzi uwo.  
Kigoda cha useuta cha Muungu na cha Mwanangoto  
chendakiwe mwe mzi uwo, hamwe na wandima wakwe  
wendawamvike. Mwendawaone cheni chakwe na zina  
dakwe dendadiandikwe  
mwe vimea vyawo.



Nee nawaona wantu wada wekuuyao na nyuma wakuu kwa wadodo wagooka hemeso ya kigoda cha useuta. Vitabu vikagubulwa nee kitabu kituhu kikagubulwa yaani kitabu cha ugima. Wantu wada wakaamuiwa kuigana na ntendwa zawo wekugosoazo inga zekuandikwavyo mwe viya vitabu. Mntu yoyose yuda ambae zina dakwe khadikuoneka diandikwa mwe kitabu cha ugima, aaswa mwe ntondoo da moto.



Muye wa Muungu na mwai wa Mwanangoto  
wagombeka, "Soo!" Kia mntu ategeezae idi, na  
agombeke, "Soo!" Ekuwae na khiu na eze, na akundae  
adoe mazi ya ugima kwesiho maiho.



Kwaviya Muungu kaikundisa inusi ata  
akamlavya mwanawe wa ikedu, ili kia  
mntu endae amzumiiye asekwaga,  
iya awe na ugima wa misi  
yose kwesiho kisiikizi.



Walumi 3:23 Kwaviya wantu wose wagosoa mavigaviga na wekazi wao khauonyesha ukuu wa Muungu.

Walumi 6:23 Kwaviya maiho ya mavigaviga ni ufe, akini funge alavyayo Muungu ni ugima wa misi wa kae na kae kwa kuungana na Klistu Yesu, Zumbe yetu.

Waebulania 9:27 Inga viya wantu wekuikiwavyo kuuya na nyuma kamwe du, na wekubindaho kuuya na nyuma ni uamuiyo.

Waefeso 2:8,9 Kwaviya muoholwa kwa wedi kwa sia ya uzumizi na wala khio kwa ntendwa ntana, uwohozi uwo ni funge kulawa kwa Muungu. Khamwekuoholwa kulawana na ntendwa zenu ntana, ivyo mntu yoyose asekwevuna.



Walumi 10:9,10 Inga ukagombeka wee mwenye kwa muomo wako kuwa Yesu ni Zumbe na kumzumia mwe moyo wako kuwa Muungu nee kamyuyusa, wendauholwe. Kwaviya mntu huzumiiya kwa moyo na kuzumiwa hemeso ya Muungu, na kuwagombeka wantu watuhu uwanga ya uzumizi unu wendauholwe.

Yohana 3:16,17 Kwaviya Muungu kaikundisa inusi ata akamlavya mwanawe wa ikedu, ili kia mntu endae amzumiiye asekwaga, iya awe na ugima wa misi yose kwesiho kisiikizi. Kwaviya Muungu khekumwaagiiya Mwanawe mwe inusi ili awaamuiye wantu, iya wantu waoholwe kwembokea yee.



1 Yohana 5:11-13 Iki nee ekutigombekacho Muungu, Muungu nee katekha ugima wa misi yose kwesiho kisiikizi na ugima uwo umo kwa Mwanawe. Mntu yoyose mwekumzumiiya Mwana wa Muungu ana ugima uwo wa misi yose kwesiho kisiikizi, na yoyose esayekumzumiiya Mwana wa Muungu khana ugima uwo wa misi yose kwesiho kisiikizi. Nawaandikia nywie mumzumiiyao Mwana wa Muungu ili mdahe kumanya kuwa mnao ugima wa misi yose kwesiho kisiikizi.



Yohana 14; 2 Wakolinto 5; Ugubuo 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Bondei NT (bou) @The Word for The World International  
and Bondei Language translation, 2025. All rights reserved.

<https://www.bible.com/en-GB/bible/4372/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

